



Broj: JN-1/18.7.3-16.4-15-7/24  
Datum: 23.05.2024. godine

Na osnovu člana 61. Zakona o Upravi ("Službeni glasnik BiH" broj 32/02 i 102/09), člana 22. Stav 1. Zakona o Službi za poslove sa strancima ("Službeni glasnik BiH" broj 54/05 i 36/08), člana 64. stav (1) tačka b), člana 70. Zakona o javnim nabavkama Bosne i Hercegovine ("Službeni glasnik BiH" broj 39/14) i Zapisnika o pregledu i ocjeni ponuda broj: JN-1/18.7.3-16.4-15-6/24 od 22.05.2024. godine, direktor Službe donosi:

## **ODLUKU**

### **Član 1.**

Prihvata se preporuka Komisije za javne nabavke Službe o dodjeli Okvirnog sporazuma najpovoljnijem ponuđaču, na osnovu kriterija najniže cijene u konkurentskom postupku sa objavom tenderske dokumentacije i obavještenja o nabavci na Portalu javnih nabavke broj: 1420-7-2-15-3-14/24, za usluge servisiranja i popravke IT opreme, firmi:

- **"OLOVKA" s.t.r. Grude** sa ukupnim iznosom ponude od **9.931,20 KM** bez uračunatog PDV-a.

### **Član 2.**

Ugovorni organ će po isteku žalbenog roka dostaviti na potpis i ovjeru ponuđaču iz člana 1. ove Odluke potpisan i ovjeren Okvirni sporazum sa svoje strane računajući od dana zaprimanja saglasnosti Pravobranilaštva BiH na Protokolu Službe.

Ponuđač čija je ponuda izabrana kao najpovoljnija obavezuje se da dostavljeni potpisani i ovjereni Okvirni sporazum potpiše i ovjeri u roku od 10 dana od dana prijema, te da isti dostavi na Protokol Službe za poslove sa strancima.

U suprotnom Služba za poslove sa strancima smatrat će da je izabrani ponuđač odustao od Okvirnog sporazuma.

### **Član 3.**

Za realizaciju ove Odluke zadužuje se Sektor za administraciju.

### **Član 4.**

Ova odluka objavit će se na web stranici Ugovornog organa, [www.sps.gov.ba](http://www.sps.gov.ba), i istovremeno će se uputiti ponuđačima koji su učestovali u postupku javne nabavke.

### **Član 5.**

Odluka stupa na snagu danom donošenja.

## O b r a z l o ž e n j e

Postupak javne nabavke pokrenut je Odlukom o pokretanju procedura javne nabavke usluga servisiranja i popravke IT opreme broj: JN-1/18.1-16.4-15-1/24 i proveden je putem konkurentskog postupka.

Tenderska dokumentacija i obavještenje o nabavci broj: 1420-7-2-15-3-14/24 objavljeno je na Portalu javnih nabavki.

Tenderska dokumentacija je objavljena na Portalu javnih nabavki, te je istu preuzelo 14 ponuđača. Do roka za dostavu ponuda ponudu su dostavila 2. (dva) ponuđač i to:

- „OLOVKA“ s.t.r. Grude
- „FIXIT“ d.o.o. Sarajevo

U toku ocjene ponuda Komisija za javne nabavke Službe je izvršila otvaranje ponuda i ocjenu pristiglih ponuda o čemu je sačinila Zapisnik sa otvaranja ponuda i Zapisnik o pregledu i ocjeni ponuda.

Ponuđač „**FIXIT**“ d.o.o. Sarajevo, ponudio je cijenu **29.905,00 KM**, bez uračunatog PDV-a, što je više u odnosu na procjenjenu vrijednost nabavke, a procjenjena vrijednost u predmetnoj nabavci iznosi **10.000,00 KM**, bez uračunatog PDV-a, kako je navedeno u tenderskoj dokumentaciji, tačka 1.5. (Vrsta postupka javne nabavke). Zbog navedenog ponuda ponuđača „**FIXIT**“ d.o.o. Sarajevo je odbačena.

Komisija za javne nabavke Službe imenovana Odlukom direktora broj: 18.1-16.4-132/24 od 09.01.2024. godine izvršila je pregled i ocjenu ponuda (Zapisnik o pregledu i ocjeni ponuda broj: JN-1/18.7.3-16.4-15-6/24 koji je u prilogu Odluke) i uputila preporuku direktoru Službe za izbor najpovoljnijeg ponuđača.

Uzimajući u obzir navedeno, odlučeno je kao u dispozitivu ove Odluke.

### Pouka o pravnom lijeku:

Žalba se izjavljuje Službi za poslove sa strancima u zakonskom roku pisanoj formi u tri primjerka neposredno, elektronskim putem ili preporučeno poštom.

Dostaviti:

- svim ponuđačima
- web stranica Službe
- a/a

